

弘

簡

錄

弘簡錄卷二百十

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼漢人

康默記

孫廷

韓延微

子德懷孫紹勳

趙思溫

韓知古

子匡嗣孫德源德發德

趙德鈞

子廷

高模翰

張礪

高勲

室昉

女里

郭襲

張儉

邢抱朴

弟抱質

馬得臣

王繼忠

陳昭袞

劉景

子慎行附武

杜防

大康父

高正

楊積

姚景行

楊哲

楊信

趙徽

附王

李儼

父仲

劉仲

牛溫舒

楊遵勗

王棠

馬人望

康默記本名熙少爲蘄州衛校太祖侵蘄得之愛其材諫麾下

得與佐命功臣遇一切蕃漢事相干涉屬默記折衷之時諸部
新附文法未備令推析律意論決重輕悉合上意不差毫釐惟
禁網者多自謂不究人人安之俄拜左尙書神冊三年始建皇
都命董工役人咸勸趨凡百日而訖事五年爲皇都夸萬畢會
出師居庸關命將漢軍進逼長蘆水寨俘馘甚衆親征渤海與
韓知古將漢軍遇大譴誤復叛分薄東門率驍勇先登拔後又
與韓延徽下長嶺府太祖崩復董山陵功畢而卒 孫延壽字
胤昌少倜儻自分爲將效節邊陲景宗特授千牛衛大將軍宋
人攻南京諸將旣成列尙獨奮擊陣前敵遂大潰以功遷授保
大軍節度使乾寧三年卒

韓延徽字藏明幽州安次人父夢殷累官薊儒順三州刺史延
徽少英敏燕帥劉仁恭奇之召爲幽都府文學平州錄事參軍

同馮道祇候院授幽州觀察度支使後遣來聘不拜太祖怒以
述律后諫因名與語合意立命叅軍事籌策居多攻党項室韋
服諸部落請樹城郭分市里以居漢人之降者又爲定配偶教
墾藝以生養之以故逃亡者少居久之復懷故鄉賦詩見意太
祖夢白鶴自帳中山遂亡歸唐已而與軍將王綏有隙懼及難
返幽州省親匿故人王德明舍問其所適吾將復走契丹彼失
我如喪左右手其相見必喜祖適夜夢白鶴復入帳中旣至問
故頓首謝曰忘親非孝棄君非忠臣身雖去心在陛下是以復
來上大悅賜名曰卬列方言復來卽命守政事令兼崇文館大學士
中外政務悉令叅決時庶事草創凡營都邑建宮殿正君臣定
名分法度井井皆其力也論居佐命功臣之一從征大譴誤有
功拜左僕射師還遇太祖崩哀動左右太宗封魯國公仍爲政

事令使晉還改南京三司使世宗遷南府宰相建政事省張設
理具稱盡力吏天祿三年六月河東使請行冊禮帝召問從其
奏定制一遵太宗冊晉帝禮應曆中延徽致仕九年卒年七十
八上聞震悼贈尚書令葬幽州之魯郭仍世爲崇文令公子
德樞年甫十五太宗一見語曰是兒卿家之福朕國之寶真英
物也未冠守左羽林大將軍遷特進太尉鎮東平詔許每歲東
歸省親時漢人降與轉徙者多寓東平丁歲災饑饉疾病撫字
有方尋授遼興軍節度使下車整紛剔蠹恩煦信孚勸農桑興
教化期月民獲蘇息入爲南院宣徽使遷授天平軍節度平潔
營三州觀察處置等使門下平章事又加開府儀同三司行侍
中封趙國公保寧元年卒孫紹勲仕至東京戶部使大延琳
叛被執不屈以錮解之憤罵至死紹芳太平三年爲樞密直

學士重熙間叅知政事七年加兼侍中十二年議征李元昊力諫不聽出爲廣德軍節度使聞敗嘔血卒 曾孫資讓大安八年叅知政事爲中京留守壽隆初知樞密院事拜中書侍郎平章事坐事出爲崇義軍節度使語在道宗記改鎮遼興卒

趙思溫字文美平州盧龍人少果銳膂力兼人隸燕帥劉仁恭幕令統偏師拒唐莊宗流矢中目裂裳潰血戰猶不已爲唐將周德威所擒莊宗壯而釋之日見信用與梁戰於莘縣以驍勇聞授平州刺史兼平營薊三州都指揮使神冊二年太祖遣將經略燕地思溫來降會伐渤海擢爲漢軍都團練使力戰拔扶餘城身被數創親爲調藥太宗卽位以功授檢校太保保靜軍節度使天顯十一年唐兵攻太原石敬瑭求救命自嵐憲間出兵援之敵退罷兵改南京留守盧龍軍節度管內觀察處置等

使開府儀同三司兼侍中賜號協謀靜亂翊聖功臣尋轉臨海軍節度使會同初從耶律牒螭使晉行冊禮還加檢校太師二年有星隕于庭卒上遣使賻祭贈太師魏國公子延昭延靖官至使相

韓知古薊州玉田人善謀有識量太祖平薊時方六歲爲淳欽后兄欲穩所得從後來嬪未得省見怏怏不得志逃于庸保以供資用會其子匡嗣以善醫直長樂宮得親近皇后視之猶子因間言之太祖召見與語大以爲賢命叅謀議爲佐命功臣之一神冊初遙授彰武軍節度使久之信任益篤總知漢兒司事兼主諸國禮儀時方草創儀法疏濶因授據故典叅酌國俗與漢儀雜就之使國人易知而行頃之拜左僕射征渤海有功遷中書令天顯中卒 匡嗣應曆十年爲太祖廟詳穩宋王喜隱

謀叛辭引匡嗣上置不問景宗在藩善之卽位拜上京留守封燕王燕改南京用爲留守保寧末攝樞密使沙與休哥侵宋軍于滿城匡嗣欲納宋降休哥止之不聽俄而宋軍鼓譟來薄我衆威踐塵起漲天匡嗣倉卒不知所爲諸將無敢當其鋒欲奔又遇伏兵扼要路乃棄旗鼓而遁其衆走易州山帝怒數以五罪促令誅之皇后引諸內戚徐爲開解上重違其請良久威霽杖而免之既乃遙授晉昌軍節度使乾亨三年三月辛酉復任西南面招討使統和初匡嗣卒睿智皇后遣使臨弔賻贈甚厚九年五月己未以私城爲全州追贈尙書令 五子德源性愚而貪早侍景宗邸及卽位列近侍統和間官崇義興國二軍節度使加檢校太師以賄名德讓貽書諫之終不悛後加同政事門下平章事遙攝保寧軍節度使乾亨初卒 德凝謙遜廉謹

保寧中遷護軍司徒開泰中累遷護衛太保都宮使彰武軍節度使統和三年又轉崇義軍移鎮廣德軍有善政秩滿部民請留從之改西南面招討使討平党項隆益答叛遷大同軍節度使卒于官子郭三大安中知惕隱事壽隆四年爲南京統軍使終天德軍節度使孫高家奴南面林牙清寧中爲東北路女直詳穩遷惕隱終南院宣徽使高十清寧中爲南府宰相遷南京統軍使終遼興軍節度使 德讓爲人重厚有智略明治體喜建功立事初侍景宗以謹飭聞至東頭承奉官樞密院通事轉上京皇城使遷授彰德軍節度使代父上京留守有聲尋復代守南京時人榮之宋兵侵燕奚底與討古敗歸人懷二心日夜登城守禦援軍至圍解及戰高粱河宋兵敗走復遼擊破之以功拜遼興軍節度使徵爲南院樞密使景宗疾大漸與耶律斜

軫俱受顧命德讓總宿衛事聖宗立太后稱制益寵任之統和元年加開府儀同三司兼政事令四年從太后出師敗宋將曹彬米信加守司空封楚國公師還與室昉共執國政上言山西諸州數被兵加以歲餼宜輕稅歛蠲今歲租以來流民從之十一月庚午加守司徒六年太后觀擊鞠胡里室突德讓墜馬立命斬之會率師伐宋圍沙堆嚴陣以待敵乘夜來襲敗走之封楚王九年從其議燕人挾姦苟免賦役貴族因爲囊橐遣北院宣徽使趙智戒諭之十一年母憂起復明年室昉致政代爲北府宰相仍兼樞密使監脩國史賜號興化功臣十二年六月奏三京諸鞠獄官吏多因請託曲加寬貸或妄行榜掠乞行禁止詔可表請任賢去邪太后優加賜資論以進賢輔政真大臣之職服闋加守太保兼政事令仍代斜軫兼北院樞密使久之拜

大丞相進王齊總二樞府事奏南京平州歲不登免百姓農器錢及諱平諸郡商賈價並從之十九年賜名德昌二十二年南征及河與宋成而還徙王晉賜姓耶律出宮籍隸橫帳季父房二十八年復賜名隆運位在親王上賜田宅及陪葬地從伐高麗還得疾帝后臨視賜醫藥薨年七十一贈尚書令諡文忠官給葬具建廟乾陵側無子清寧三年以魏王貼不子耶魯爲嗣天祚立以皇子敖盧斡繼之 德威性剛介善馳射保寧初歷上京皇城使儒州防禦改北院宣徽使乾亨初丁父喪起復權西南面招討使統和初党項十五部寇邊戰却之賜以大漢劍許便宜行事不用命者得專殺時党項酋長執夸离子隈引等乞內附詔撫納之七月獻破党項俘并夸离董子大護賞勞有功將士八月壬子表請伐党項之復叛者詔許之領突呂不迭

刺二紮軍二年還襲河東以討平稍古葛功獻俘于朝真授招討使賜詔褒美請納夏州李繼遷內附諸俘皆從璽書褒獎統和四年宋軍復圍蔚州斜軫擊破之詔以兵授德威并耶律瑤昇及宋兵至平州德威瑤昇不盡追殺下詔詰責敗宋將楊繼業加開府儀同三司兼政事令門下平章事六年命討河湟諸蕃違命者城邑多陷奪其兵柄繼遷受宋賂潛懷二心奉詔率兵往諭至靈州俘掠而還十五年河西党項叛復詔討之奏捷于朝卒年五十五贈侍中子芳金終彰國軍節度使二孫謝十彰國軍節度使終惕隱 滌魯字遵寧幼養宮中授小將軍重熙初歷北院宣徽使石林牙副點檢拜惕隱改西北路招討使封漆木郡王請減軍籍三千二百八十人後以私取回鶻使者頸毛裘及阻卜貢物決杖免官俄起爲北院宣徽使十九年改

烏古敵烈部都詳穩尊爲東北路詳穩封混同郡王清寧初徙
王鄒拜南府宰相以年老乞骸更王漢大康中薨年八十生平
神情秀徹聖宗子視之與宗待以兄禮雖貴愈謙初爲都點檢
扈從獵黑嶺獲熊上因樂飲謂滌魯曰汝有求乎對曰臣富貴
踰分不敢他望惟臣叔先朝優遇身歿之後不肖子坐籍沒諸
孫中得赦一人以主四時薦享臣願畢矣詔免籍復其產子燕
五官至南京步軍都指揮使德崇善醫視人形色輒決其病
累官至武定軍節度使其子制心小字可汗奴善訓鷹隼統和
中爲歸化州刺史開泰中拜上京留守進漢人行宮都部署至
北院樞密使封漆水郡王以皇后外弟恩遇日隆嘗奏樞副蕭
合卓用事寡識度無行檢典宗默然自是內宴歡洽輒避之皇
后不悅曰汝不樂耶制心對曰寵貴鮮能長保以是爲憂耶太

平中歷中京南京留守楊隱徙王燕遷南院大王或勸制心奉
佛對曰吾不知佛法惟心無私則近之矣一日沐浴更衣而卧
家人聞絲竹之聲怪而入視則已逝矣年五十三贈政事令追
封陳王守上京時酒禁方嚴有捕獲私醢者一飲而盡笑而不
詰卒之日部民若哀父母

趙德鈞幽州人爲劉守光軍校至裨將莊宗伐燕得之賜姓名
李紹斌以爲盧龍軍節度使封北平郡王鎮幽州十餘年距州
北七里有榆關東臨海北有兔耳嶺舟山皆斗絕金海東北
有挾路僅通一車有旁地可耕種唐時置東西狹石渚疇米磚
長楊黃花紫蒙白狼等戍以控扼契丹於此戍兵常自耕食惟
衣絮歲給幽州久之皆有田宅養子孫以堅守爲己利自唐末
割據戍兵廢契丹因得出陷平營而幽薊之人歲苦寇鈔自涿

至幽州百里人迹斷絕轉餉常以兵護送契丹多伏兵於鹽溝以擊奪之德鈞乃於鹽溝置良鄉縣幽州東五十里皆築城戍兵及破赫連等又於其東置三河縣由是幽薊之人始得耕牧而輸餉可通會石敬瑭反請以鎮兵討賊廢帝察其有異志使自飛狐出擊其後而德鈞南出吳兒會延壽於西唐因以兵屬之拜爲諸道行營都統延壽本姓劉恒山人父祁爲僭令劉守文陷僭併獲其母种氏養以爲子少美容貌好書史明宗居潛妻以女卽位封女興平公主延壽爲駙馬甚見親信尋拜樞密使以避從榮權求補外出爲宣武軍節度使清泰初封魯國公俄鎮許州征太原爲南面招討使德鈞懼轉求鎮州廢帝怒曰汝父子握彊兵求大鎮苟能敗契丹破太原雖代予亦可若觀寇要君但恐犬兔俱斃因遣使者趣令進軍德鈞陰遣人聘遼

求立已爲帝太宗對使者指穹廡前巨石曰吾已許石郎石卿方可改也會張敬達軍敗命其父子往救聞晉安已破走圓栢峪太宗追及俱降歸見太后問汝父子何無恥自求爲天子慙不能對悉籍田宅以獻問今安在官在幽州后笑曰今已屬我何獻爲明年德鈞卒拜延壽幽州節度使封燕王改爲南京復還留守總山南事天顯末妻尙在晉詔取以歸益自激昂會同初帝幸其第加政事令晉人背盟帝親征命爲先鋒下貝州晉摧堅破陣以身先之轉魏博等州節度使加封魏王復敗晉軍于南樂獲其將賽項羽軍元城晉遣李守貞高行周率兵來逆破之至頓丘遇大霖雨帝欲班師諫曰晉軍屯河濱不敢出戰若徑入澶州奪其橋梁敵不足平上然之適晉軍先歸澶州延壽將輕兵逆戰上親督騎士突其陣敵遂大潰師還仍留徇貝

冀深三州八年再伐晉晉主遣其族人趙行實以書來招時晉人堅壁不出結以我陷敵久寧忘父母之邦若以軍逆我卽歸信以爲然遣杜重威率兵迎之至潞沱河延壽據中渡橋與晉軍力戰手殺其將王靖太宗潛由他渡以濟留延壽與耶律朔古據橋兩軍相拒敵不能奪屢敗之重威掃衆而降上喜賜延壽龍鳳繡袍許滅晉後以中原帝延壽且以所得漢兵與爾宜親往撫慰延壽至營重威守貞迎謁馬首太宗入汴御廣政殿視朝有司給延壽貂蟬冠不肯服別爲燕王冠以自表異因李崧達意求爲皇太子上曰吾於魏王雖割肌肉亦不惜但皇太子須天子之子得爲魏王豈得爲也進中京留守大丞相軍還至臨洛上見井邑荒殘顧晉人曰致中國若此皆延壽爲罪首及世宗卽位以翊戴功再任樞密使天祚二年薨

高模翰一名松渤海人有膂力善騎射好談兵遇太祖平渤海
避地高麗王妻以女因罪亡歸坐使酒殺人下獄太祖知其才
貫之天顯十一年九月徵渤海兵救石敬瑭模翰從行至太原
與張敬達軍接戰敗之太原圍解帝召模翰等賜以酒餼親饗
士卒氣勢益振翌日復戰又敗之獻俘于帝授以上將軍論曰
朕自起兵百餘戰鄉功第一雖古名將無以加之會同元年冊
禮告成宴百官及諸國使于二儀殿帝指謂曰此國之勇將朕
統一天下斯人之力也羣臣皆稱萬歲及晉叛盟乃爲統軍副
使與僧超前驅拔赤城破德貝諸寨是冬兼總左右鐵鵝子軍
下關南城邑數十明年三月勅虎官楊覃赴乾寧軍滄州節度
田武名園之方與趙延壽議往救模翰目中若有光出榮繞旗
不談如流星喜曰此天贊之祥遂進兵殺獲甚衆以功加侍中

略地鹽山破饒安晉人震怖不敢接戰加太傅聞晉杜重威領兵三十萬來拒左右皆懼模翰謂曰軍法貴正不貴多以多陵少不義必敗其晉之謂乎詰旦以麾下三百人逆戰殺其先鋒梁漢璋餘兵敗走手詔褒美比爲漢之李陵頃之重威等復至泝沱河帝召模翰問計善其言諸將莫及乃令守中渡橋及戰復敗之上曰朕悲高觀兩軍之勢顧卿英銳無敵如鷹逐雉兔當圖形麟閣_後地後裔加特進檢校太師封恭郡開國公賜璽書劔器爲汴州巡檢使平汜水諸山土賊遷鎮中京天祿二年加開府儀同三司賜對衣鞍勒名馬應曆初召爲中臺省右相至東京父老歡迎曰公起戎行致身富貴爲鄉里榮相如買臣不足過也九年正月模翰遷左相卒

張礪磁州人初仕唐爲掌書記遷翰林學士石敬瑭起兵唐主

以爲招討判官從趙德鈞往援張敬達而敗因遁入遼太宗
其剛直且有文彩擢爲翰林學士凡臨政事見其盡言無所顧
避益相器重令通事高彥英善遇之未幾亡歸爲追騎所獲責
問汝何故亡對曰臣不習北方土俗飲食居處意常鬱鬱以是
亡耳因責杖彥英朕嘗諭汝善遇此人何乃使失所爲亡旣去
可再得耶令往謝留之會同初陞翰林承旨兼吏部尚書伐晉
其謀居多諸將入汴大肆殺掠用蕭翰爲守礪奏今大遼始得
中土宜以中土人治之不可專用國人及左右近習苟政令乖
失人心不服今雖已得將必失之上不聽俄改右僕射兼門下
侍郎平章事有司給以三品冠服礪曰吾在上國時晉遣馮道
奉冊北朝道齋二貂冠其一宰相韓延徽其一命我冠之今可
降服耶竟冠貂蟬以朝會駕崩時礪卧病恆州翰與耶律耶五

麻答以兵圍其第數之曰汝何故於先帝言國人不可爲節度
使我以國舅之親有征伐功譖我與解里好掠人財物子女今
必殺汝趙令鎖之礪抗聲曰此國家大體安危所繫吾實言之
欲殺卽殺奚以鎖爲麻答以礪大臣不可專殺乃救止之是夕
悲憤遂卒

高勲字鼎臣晉北平王信賴之子性通敏能服勤仕晉爲閤門
使會同九年與杜重威來降太宗入汴授四方館使好結權貴
大臣多推譽之天祿間爲樞密使總漢軍事五年爲劉崇封冊
使應曆初封趙王出爲上京留守尋移南京奏宋欲城益津請
假巡徼以擾之遂不果城十七年宋略地益津關勲擊敗之擢
知南院樞密使景宗卽位以定策功進王秦保寧中疏請南京
郊外多隙地開畦引水種稻帝欲從之林牙耶律昆宣旨於朝

高勲此奏有異志果令種畦設以京叛官軍何自而入帝疑之不納尋遷南院樞密使以藥餽駙馬蕭燾里事覺流銅州尋又謀害尚書令蕭思溫誅之沒其產賜思溫家

室昉字夢奇南京人幼謹厚篤學不出外戶者二十年雖里人莫識其精如此會同初登進士第爲盧龍巡捕官太宗入汴受冊禮詔昉知制誥總禮儀事天祿中爲南京留守判官應曆間累遷翰林學士出入禁闥十餘年保寧間兼政事舍人數延問古今治亂得失奏對稱旨上多昉有理劇才改南京副留守決訟平允人皆便之遷工部尚書尋改樞密副使叅知政事頃之拜樞密使兼北府宰相加同政事門下平章事乾亨初監脩國史統和元年告老不許進尚書無逸篇以諫太后聞而嘉獎二年秋詔脩諸嶺路發民夫二十萬一日畢功四年南征還奏山

西四州自宋兵後人民轉徙盜賊充斥乞下有司禁止命新州節度使蒲打里選人分道巡檢從之與韓德讓耶律斜軫相友善同心輔政整析歲弊知無不言務在息民薄賦以故法度脩明朝無異議八年復請致政詔賜几杖入朝免拜太后遣閣門使李從訓持詔勞問令常居南京封鄭國公奏前詔書悉罷無名寺院今晉國公主建佛寺于南京上許賜額不惟有違前詔益恐此風愈熾從之表進所撰實錄二十卷手詔褒獎加政事令賜帛六百匹九年昉薦德讓自代賜貂皮裘褥許乘輦入朝病劇遣學士張幹就第授中京留守加尚父卒年七十五上嗟悼輟朝二日贈尚書令遺言戒厚葬恐人譽過情自志其墓女里字溫烈衮積慶宮人逸其民放應曆初爲習馬不底以母憂去一日至雅伯山見一巨人令葬母於斯當速詣闕必貴女

星從之累遷馬羣侍中時景宗在藩以其出自本宮待遇殊厚
女里亦傾心結納穆宗遇弑之夜奔赴景宗集禁兵五百以衛
卽位以翼戴功爲飛龍使尋加政事令保寧三年三月丁未授
契丹行宮都部署賞賚甚渥尋加守太尉素與同列蕭阿不底
有好賄名比漢主劉縱元聞其爲上信任遇生日必致禮二人
貪穢大小國人傳以爲笑保寧末坐私藏甲五百又得殺蕭思
溫賊書賜死生平善識馬嘗行郊野見數馬跡指其一曰此奇
駿也以已馬易之果然

郭襲史逸其世性端介識治體久淹外調景宗卽位召見問對
稱旨知其可任拜南院樞密使尋加兼政事令以帝數游獵上
書諫史稱唐高祖好獵蘇世長言不滿十旬木足爲樂卽日命
罷迄今美之伏念聖祖創業艱難修德布政宵旰不懈穆宗逞

無厭之欲不恤國事天下愁怨陛下繼統海內翕然望中興之
治十餘年間征伐未已寇賊未弭年穀雖登瘡痍未復正宜戒
懼脩省以懷永圖側聞恣意遊獵甚於往日萬一有銜縶之變
搏噬之虞悔將何及况南有强敵伺隙而動聞之得無生心乎
伏望陛下節從禽酣飲之樂爲生靈社稷計則國家有無疆之
休上覽而稱善賜協贊功臣拜武定軍節度使統和三年轉天
平軍卒

張儉宛平人性端慤不事外飾統和十四年進士第一聖宗夢
四人侍側賜二口食至儉名始悟尋調雲州幕官時帝獵雲中
故事車駕經行長吏當有所獻節度使進口臣境無他產惟幕
僚張儉一代之寶願以爲獻召見容止朴野訪及世務占奏三
十餘事稱旨自此傾遇特異踐歷清華號稱明幹開泰二年拜

政事舍人累遷樞密同知太平五年出爲武定軍節度使移鎮大同六年入爲南院樞密使七年守司徒兼政事令帝方眷倚與叅政吳叔達不相能爲出叔達康州刺史拜儉左丞相太平五年由武定軍節度使拜同政事門下平章事封韓王俄徙彰信軍節度使六年復入爲南院樞密使兼政事令帝不豫受遺詔輔立太子是爲興宗賜號貞亮弘靖保義守節耆德功臣進太師中書令加尚父徙王陳重熙五年帝幸禮部貢院及親試進士皆儉發之進見不名賜詩褒美爲人質素衣惟綃帛食不重味月俸有餘則給親舊方冬奏事便殿帝見衣袍敝密令近侍記之屢見不易帝問其故對以時尚奢靡臣服此袍冀俾諷諭乃令悉取內庫財物獨持布三端而出上見其清廉益加獎重有第五人欲俱賜進士固辭有司獲八盜已戮乃獲正賊家

人訴乞申理上怒曰欲朕償命耶儉謂八家老稚無告少加存恤使得收葬足慰存沒從之凡在相位二十餘年裨益爲多致政歸第上以宋書辭不如禮將親征幸其第却尚食先往具饌進葵羹乾飯帝食之美徐問以策極陳利害第遣一使問之何必遠勞車駕遂止復卽其第賜宴器玩悉與之十三年儉薨年九十一勅葬宛平縣

邢抱朴應州人父簡刑部郎中母陳氏營州人父陘五代時累官司徒陳氏甫笄涉通經義凡覽詩賦輒能誦尤好吟詠名爲女秀才年二十始歸簡孝舅姑閨門和睦親黨推重生六子親授以經統和十二年卒睿智皇后聞之嗟悼贈魯國夫人刻石以表其行及遷祔遣使以祭論者謂貞靜柔順婦道母儀始終無嫌抱朴性穎悟好學博古保寧初爲政事舍人知制誥累遷

翰林學士加禮部侍郎統和三年命勾檢顯陵四年山西州縣
被兵命與雲州節度使韓毗哥等充宣諭招撫使往鎮慰之民
始獲安加戶部尚書遷翰林學士承旨與室昉同脩實錄決南
京滯獄還優詔褒美十年拜叅知政事韓德謠薦按察諸道守
令能否而黜陟之大協人望素以孝稱母憂固辭起復宰相密
諭上意乃從及耶律休哥留守南京又多滯獄復詔平決人無
冤者二十年改南院樞密使又二年卒輟朝三日贈侍中弟
抱質統和二十九年由南府宰相擢知南院樞密使事以年老
詔乘小車入朝開泰元年命督有司具拜山大射柳禮儀復爲
大同軍節度使加開府儀同三司守司空兼侍中時人榮之
馬得臣南京人好學博古善屬文尤長於詩保寧間累遷政事
舍人翰林學士常預朝議以正直稱乾亨初宋師屢侵命爲南

京副留守拜學士承旨統和二年改宣政殿仍兼侍讀學士聖宗閱唐高祖太宗玄宗三紀命錄其行事可法者以進奏臣觀房玄齡杜如晦隋季書生向不遇太宗安能爲一代名相臣雖不才幸列東宮侍從今又得侍聖讀臣請略陳昔太宗侍太上皇宴罷則挽筆至內殿玄宗與兄弟歡飲盡家人禮陛下嗣祖考之神躬侍太后可謂至孝臣更望定省之餘敦睦六親加以愛敬則陛下親親之道比隆二帝矣若夫耽玩經史數引公卿講學至于日晏故二帝當時天下翕然嚮風以隆文治臣願陛下游心章句研究經理深造而篤行之二帝之治亦不難致昔者太宗躬承唐儉切諫玄宗臂鷹韓休恐言莫不樂從今陛下以羣馬爲樂愚臣思之有不宜者三其一君臣同戲不免分爭君得臣愧彼負此喜二躍馬揮杖縱橫馳騁不顧上下之分爭

先取勝失人臣禮三。輕萬乘之尊圖一時之樂萬一有衝勃之失知社稷太后何憊不以臣言爲迂。少賜省覽。天下之福羣臣之願也。嘗奏帝嘉歎良久及扈從伐宋進言降不可殺亡不可追。二三其德者別議。詔從之。俄兼諫議大夫知宣徽南院事。統和七年得臣卒。贈太子太保。賜錢十萬。粟百石。有司給葬。

王繼忠本宋開封人。父坑武騎指揮。咸瓦橋關卒。繼忠六歲。給事真宗。藩邸以謹厚被親信。卽位補內殿崇班。累殿前都虞候。領雲州觀察使。改鎮定高陽關。鈐轄至副都部署。兼河北都轉運使。徙定州。統和二十一年南侵。宋至望都。時繼忠領兵至康村交戰。自日昃至乙夜。勢小却。遲明復戰。爲我所乘。斷其餉道。遇宋將王超。桑贊皆畏縮退。師繼忠獨與麾下躍馬馳赴獲之。太后知其能。授戶部使。妻以康默記族女。宋始聞謂已死。贈官。

加贈官其四子懷節懷敏懷德懷政後聞尚在自是每遣使必
有附賜聖宗許受之二十二年宋使來聘遣繼忠孤矢鞭策及
劄子曰自臨大位愛養黎元豈欲窮兵惟思息戰每救邊事嚴
諭守臣至于北界人民不令小有侵擾衆所具悉爾亦備知向
以知雄州何承矩已布此懇自後杳無所聞汝可密言如許通
和卽當別使往請詔繼忠與宋使相見時南北弭兵與有力焉
上以其家無奴隸賜宮戶三十加左武衛上將軍開泰二年爲
中京留守檢校太師五年轉漢人行宮都部署封琅邪郡王六
年進王楚賜姓名耶律顯忠後改宗信上嘗宴飲議以蕭合卓
爲北院樞使言其暗於大體不若敵烈才行兼備上不納及遣
合卓伐高麗命爲行軍副部署攻興化鎮月餘不下師還上謂
繼忠明於知人拜南院樞密使太平三年致仕卒子懷王仕至

防禦使

陳昭襄小字王九雲州人工諱韞勇而善射統和中補祗候郎君爲奚拽刺詳穩累遷敦睦宮太保兼掌圍場事開泰五年秋大獵帝射虎以馬馳太速矢不及發虎怒奮勢將犯蹕左右辟易昭襄捨馬捉虎兩耳騎之虎駭且逸上命衛士追射大呼止之虎雖執山終不墮地伺便拔佩刀殺之輦至上前慰勞良久卽日設燕悉賜以席上金銀器特加節鉞遷圍場都太師賜國姓命張儉呂德懋賦以美之後拜歸義軍節度使同知上京留守歷西南面招討都監卒

劉景字可大河間人四世祖怱見唐藩鎮父守敬南京副留守景資性端厚好學能文初辟趙延壽幽都文學應曆初遷右拾遺知制誥爲翰林學士九年周人侵燕留守蕭思溫急請濟師

帝欲俟秋方出景諫曰河北三關已陷于敵今復侵燕安可坐視上不聽會父憂去未幾起復舊職一日召草赦既成留數月不出景奏唐制赦書日行五百里今稽期弗發何也上不報景宗卽位乃以忠實擢禮部侍郎遷尚書兼宣政殿學士上方欲倚用書其笏曰劉景可宰相頃之拜南京副留守俄召爲戶部使歷武定開遠二軍節度使統和二年景致仕加兼侍中卒年六十七贈太子太師子慎行由膳部員外郎統和二十九年累遷三司使叅知政事改南院樞密使至北府宰相監脩國史諫上多卽宴飲以行誅賞恐威福遷於喜怒或有未當帝悟諭政府自今宴飲有行賞事翌日稟行開泰四年伐高麗以爲都統殿前都點檢蕭屈烈爲都監坐先携家置邊郡致緩軍期下吏議貴乃免七年出爲彰武軍節度使賜號保節功臣太平

四年改順義軍五年徙遼興軍有訟其與子婦姚氏私者有司
出其罪聖宗詔武白鞠之竟正其事武白爲宋國子博士差知
相州至通利軍爲我軍所俘復授上京博士改臨潢令遷廣德
軍節度副使權中京留守爲人質直不畏權勢時慎行諸子皆
處權要撫白斷百姓分籍事不立坐左遷未幾遷尚書左丞知
樞密事拜遼興軍節度使致仕卒 慎行子六一德早世二玄
終上京留守五常歷三司使武定軍節度使三殿四端六符皆
第進士殿端俱尚主爲駙馬都尉獻聖宗一矢斃雙鹿賦嘉
其瞻麗與公主不諧奔宋歸殺之端爲衛尉少卿使宋賀生辰
方宴大張女樂竟席不顧人憚其嚴還拜樞密直學士權知宣
徽南院事卒 六符有志操能文重熙初遷政事舍人擢翰林
學士七年叅知政事與蕭特末使宋語宋使富弼曰吾主恥受

金帛堅欲十縣何如弼曰本朝皇帝言朕爲祖宗守國豈敢妄以尺寸與人且北朝所欲不過租賦朕不忍多殺兩朝赤子故屈已增幣以代之若必欲得地是志在敗盟假此爲詞耳澶淵之盟天地鬼神尚鑒今若自發兵端過不在我爾乃欺天神也還告其主曰宋人重失十城願增歲幣以易之以爲漢人行宮副部署復與耶律仁先往使定獻納二字宋初難之六符曰本朝兵彊將勇海內共知人人願從事于宋若恣其俘獲以飽所欲與區區二字孰多况大兵駐燕萬一南進何以禦之顧小節忘大患悔將何及宋乃從之還加同中書門下平章事及宋幣至仍命爲三司使以受之坐與杜防有隙白六符嘗受宋賂出爲長寧軍節度使俄召爲三司使道宗卽位將行大冊禮樞密使蕭革奏行大禮備儀物必擇賡地莫若黃川六符曰不然禮

儀國之大體帝王之樂不奏于野今中京四方之極朝覲各得其所宜于中京行之上從其議六符尋以疾卒

杜防涿州歸義人開泰五年進士甲科累遷起居郎知制誥人稱有宰相器太平中遷政事舍人至樞密副使重熙九年夏人侵宋宋遣郭禎來告請與夏和上命防使夏解之如約罷兵各歸侵地拜叅知政事韓紹芳劉六符忌之防待以誠十二年紹芳等能愈見信任拜南府宰相帝以防生子幸其第賜名王門奴十六年與韓紹榮進奏有誤決以大杖出爲武定軍節度使十四年召復任二十一年秋祭仁德皇后詔儒臣賦詩防爲冠賜金帶道宗諒陰爲山陵使清寧二年上以防年老不欲煩以劇務拜右丞相加尚父卒上歎悼不已則贈加等給葬具贈中書令諡曰元肅子公訓終南府宰相

大康父渤海人開泰間累官南府宰相出知黃龍府善綏撫東部懷服榆里底乃部長伯陰與榆烈比來附送于朝且言蒲盧毛朶界多渤海人乞取之詔從其請康父領兵至大石河馳準城掠數百戶以歸未幾卒

高正統和初舉進士累遷樞密直學士將伐高麗遣先往諭意及還遷右僕射上許高麗王詢入覲復遣率千騎往迓館于路爲高麗將卓思正所阻勢不可敵與麾下壯士突圍出士卒死傷者衆上悔輕發釋其罪明年遷工部侍郎命佐楚國王隆佑爲北院樞密副使開泰二年遣往按察諸道刑獄五年卒

楊績良鄉人太平十一年及第累遷南院樞密副使與宰相韓知白學士王綱張省知制誥周白俱坐擅給進士堂帖降知白武定軍績長寧軍俱節度使綱澤州白海北州俱刺史俄徙績

知涿州清寧初拜叅知政事兼同知樞密院事爲南府宰相以平重元亂上嘉之十年擢知興中府咸雍初上以張嗣復疾改知興中府事兩易其任命知樞密院事二年乞致仕不許拜南院樞密使興宗以舊臣特詔燕見論古今治亂人臣邪正方今契丹忠正無如耶律玦漢人則劉仲而已然熟察之仲又不及玦之剛介績拜賀曰何代無賢世亂則獨善其身主聖則兼濟天下陛下銖分邪正升黜分明天下幸甚八年六月甲戌封續爲趙王太康中以例改王遼西致仕加守太保薨子貴忠亦知興中府

姚瑛行始名景禧祖漢英本周將應曆初來聘用敵國禮帝怒留之隸漢人宮分後景行貴始出籍貫興中縣爲人博學重熙五年擢進士乙科任將作監改燕趙國王教授不數年至翰林

學士樞密副使叅知政事性敦厚廉直人望歸之道宗卽位多
被顧問爲北府宰相九年秋告歸道聞重元亂收集行旅得三
百餘騎勤王比至賊已平帝嘉其忠賜以逆人財產咸雍元年
出爲武定軍節度使明年驛召拜南院樞密使上從容問治道
引入內殿出示御書并太子書賜什器車仗帝銳意伐宋召問
宋人好生邊事如何對曰自聖德皇帝威德懷遠宋脩職貢迨
今幾六十年若以細故用兵恐違先帝成約上然其言而止致
仕不踰月復舊職家艱起復兼中書令上問古今儒士優劣占
對稱旨擢知興中府改朔方軍節度使太康初徙鎮遼興時上
京多滯獄命爲留守不數月景行以獄空聞累乞致政許之加
守太師卒遣使弔祭追封柳城郡王諡文憲壽隆五年詔爲立

祠

楊哲字昌時安次人幼通五經大義聖宗聞其穎悟詔試詩授校書郎太平十一年擢進士乙科改著作佐郎重熙十二年累遷樞密都承旨權度支使登對稱旨進樞密副使歷長寧軍節度使山西路轉運使知興中府清寧初入知南院樞密使與姚景行同總朝政請行柴冊禮封趙國公以足疾復知興中府咸雍初徙封齊王賜同德功臣尚書左僕射兼中書令拜樞密使改封晉給宰相樞密使兩廳僚從封趙王嬖請歸政益賜保節功臣致仕太康五年例改遼西郡王薨

楊佖字正叔南京人幼穎悟異常讀書自能成句識者奇之弱冠聲名籍甚統和二十四年進士第一歷校書郎大理正開泰六年轉儀曹郎典掌書命加諫議大夫出知易州治尚清簡徵發期會必信入爲大理少卿累遷翰林學士文章號得體七年

爲刑部侍郎八年燕地饑疫民多流殍擢爲南京留守同知發倉廩振乏絕貧民鬻子者計備出之宋遣梅詢賀千齡節詔估迎送多與唱酬每見稱賞重熙元年陞學士承旨母憂起復拜工部尚書歷忠順天德二軍節度朔武等州觀察處置使加特進檢校太師宣政殿學士叅知政事兼知南院樞密使事十五年出爲武定軍節度使境內亢旱苗稼將稿親事之夕雨澤霑足百姓歌曰何以蘇我上天降雨誰其撫我楊公爲主潁陽水失故道雖爲民害以已俸創長橋人不病涉被召之日郡居攀轅泣送上御清涼殿宴勞卽日除吏部尚書兼門下侍郎同中書門下平章事論以卿今日何減呂望之遇文王對曰呂望比臣遭際尚有十年之晚上悅其居相位以進賢爲已任事總大綱責成百司人樂爲用三請致政除判順慶軍月給錢粟俸祿

四時遣使存問侏卒有登瀛集行于世

趙徽王觀皆南京人重熙五年興宗親試進士賦以日射三十
六熊爲題賜趙立與徽及第立授右補闕徽以下皆爲太子中
舍賜緋衣銀魚遂大宴累遷大理正清寧二年銅州人安毀三
教徽按鞠之以狀聞稱旨歷煩劇有能名累遷翰林學士承旨
咸雍初爲度支使三年拜叅知政事八年出爲武定軍節度使
及代軍民請留太康元年六月由樞密院同知進南府宰相兼
門下侍郎平章事二年致仕卒追贈中書令諡文憲 觀博學
有才辯重熙七年進士乙科興宗崩充夏國報哀使還除給事
中咸雍初遷翰林學士五年兼乾文閣學士七年改南院樞密
副使賜國姓爲叅知政事兼知南院樞密事坐矯制脩私第削
爵爲民卒

李儼字若思析津人父仲禧重熙中始仕清寧初爲南院宣徽同知四年城鴨子混同二水間拜北院宣徽使咸雍初坐誤奏事出爲榆州刺史俄復舊職遷漢人行宮都部署賜姓耶律封韓國公九年改南院樞密使時乙辛等誣陷太子詔與仲禧同鞠蔓引無辜未嘗雪正遂得薦拔拜廣德軍節度使尋卒諡欽惠儼儀觀秀整好學有詩名登咸雍進士守著作佐郎補中書省令史以勤敏稱太康初歷都部署判官將作少監後兩府奏事帝論羣臣優劣稱儼才俊改少府少監知大理正賜紫六年遷少卿奏讞詳平明年陞本寺卿丁父憂奪服同簽部署司事大安初爲景州刺史繼胥徒禁豪猾撫老恤貧未數月善政流播郡人刻石頌德二年改御史中丞詔案上京滯獄多所平反擢宣徽院同知仍提點大理寺六年冬改山西路都轉運使刮

剔垢弊奏定課額益州縣俸給事皆施行壽隆初以母憂去名復舊職宋攻夏李乾順遣使求和解帝命如宋平之還拜叅知政事六年駕幸鶯鶯梁召至內殿訪以政事道宗晚年倦動用人不能自擇令各擲骰子以采勝者官之儼嘗得勝采賀爲上相之徵遷知樞密院事賜號經邦佐運功臣封越國公脩皇朝實錄七十卷帝大漸儼與阿思同受顧命乾統三年封泰國公六年進潞水郡王天祚寵任之天慶中有疾命醫診視薨贈尚父諡曰忠懿爲人性廉潔一芥不取於人經籍一覽成誦然專務進善伺人主意固結上心他勿恤也由是權寵益固人以是薄之三子處貞太常少卿處廉中京留守同知處能少府少監從子處溫

劉仲宇濟時宛平人少穎悟長以辭翰聞重熙五年進士歷彰

武節度使掌書記大理正因奏獄上適與近臣語不顧伸言自古帝王必重民命願陛下省臣奏上大驚異擢樞密都承旨權中京副留守詔徙富民以實春泰二州伸奏罷以爲不可遷大理少卿至卿人以不究稱轉西京副留守父憂終制改三司副使諫議大夫提點大理寺明法律多寬恕屢案冤獄全活者衆徙南京副留守俄授崇義軍節度使政務簡靜民川不擾致有烏鵲同巢之異優詔褒之改戶部使歲入羨餘錢三十萬緡轉南院樞密副使尋拜叅知政事諭以勿憚宰相伸奏臣於乙辛尚不畏何宰相之畏乙辛銜之相與排詆出爲保靜軍節度使上終欲大用加守太子太保遷上京留守復以事徙鎮雄武歷崇義軍節度使致仕適燕薊民饑與致仕趙徽韓造日濟以糜粥所活不勝算大安二年伸卒上震悼賻贈加等

牛溫舒涿州范陽人爲人剛正尚節義有遠器咸雍中擢進士
滯小官大安初累遷戶部使轉給事中知三司使事國民兼足
道宗以爲能加戶部侍郎改三司使壽隆中拜叅知政事兼同
知樞密院事四年攝中京留守部民詣闕請具拜從之復名爲
三司使乾統初復叅政事知南院樞密使事五年宋攻夏來請
和解命與蕭得里底爲使方大宴宋僂人爲道士裝索土泥藥
爐一僂應曰土少不能和溫舒遽起以手藉土懷之宋主問其
故對曰臣奉天子威命來和若不從則當卷土收去宋人大驚
遂許夏和還加中書令卒

楊迥坊字益誠范陽人重熙十九年進士調儒州軍事判官累
遷樞密院副承旨咸雍三年爲宋國賀正使還遷都承旨簿書
叢委一目五行俱下剖決如流敷奏詳敏上嘉之奉詔徵戶部

通錢得四十餘萬緡拜樞密直學士改樞密副使太康初叅知政事二年知南院樞密使事兼門下侍郎平章事歷北南二府宰相以與燕哥案乙辛獄不敢正言時議短之大安中暴卒年五十六贈守司空謚康懿子聯終昭文館直學士

王棠涿州新城人博古善屬文重熙十五年進士鄉貢禮部延試皆第一累遷上京鹽鐵使或誣以貽無狀釋之遷東京戶部使太康二年遼東饑民多死請振恤從之三年入爲樞密副使拜南府宰相大安末卒棠練達朝政臨事不怠在政府脩明法度有聲

馬人望字儼叔高祖亂卿爲石晉青州刺史太祖兵至堅守不降城破被執太祖義而釋之徙其族于豎巫闔山因家焉曾祖延煦南京留守祖淵中京副留守父詮中京文思使人望幼孤

性頴悟長以才學稱咸雍中登第爲松山令歲運澤州官炭獨役縣人請均役他邑中京留守蕭吐渾始怒旣而喜曰爲民如此他令不能事聞悉得從允徙知涿州新城縣境與宋接驛道所出治以不擾吏民畏愛近臣多薦之擢中京度支鹽鐵南京三司度支皆爲判官公私兼裕遷警巡使京城獄訟填委悉與處決人以無冤會檢括戶口未兩旬而畢留守蕭保先怪問荅曰民產若盡括之他日必長厚歛之弊大率十得六七足矣謝以所慮者遠吾不及也天祚立將報乙辛謀害太子之仇還與蕭報恩究其事平心以處所活甚衆尋改上京副留守會制賊趙鍾哥犯闕劫宮女御物率衆捕之右臂中矢柱以艾力疾馳逐賊乘所掠而遁令關津譏察悉獲之召爲樞密都承旨宰相李徽猷與已異改南京諸官提轄制置庫中轉保靜軍節度使

有二吏兇暴民畏如虎假以辭色陰發其事黥配之是歲諸路饑乏惟人望所治粒食不闕路不鳴桴造授彰義軍節度使遷中京度支使視事半歲庾廩空者悉充滿之加左散騎常侍至樞密直學士天慶三年拜叅知政事判南京三司使事時錢粟出納之弊惟燕爲甚命以縑帛爲通曆凡庫物出入皆使別籍名曰臨庫姦人黠吏莫得軒輊謬爲年老改南院宣徽使踰年天祚知其誤手書其名召之拜南院樞密使用人必公議所常與者人不敢干以私民甚患驛遞馬牛旗鼓鄉正廳隸倉司之役破產不能給建議使民出錢官自雇募時以爲便久之請老以守司徒兼侍中致仕卒諡曰文獻人望有操守喜怒不形未嘗附麗求進所薦曹勇義虞仲文皆爲姦人所擠後至顯位初除執政家人賀之愀然曰得勿喜失勿憂抗之甚高擠之必酷

其畏慎如此

弘簡錄卷二百一十終

弘簡錄卷二百十一

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼文學

附方技

李潯

蕭韓家奴

耶律庶成

弟庶箴子蒲魯

耶律谷欲

耶律韓留

耶律資忠

兄國留弟昭

蕭札刺

耶律陳家奴

耶律良

王鼎

劉輝

耶律孟簡

耶律官奴

蕭蒲魯不直魯古

王白

魏瑋

耶律敵魯

台孫胡篤

耶律裏履

耶律乙不哥

李潯字日新家世載宋史自幼聰敏幕府四傑為文嘗代侍郎

楊凝式撰吳越王錢鏐神道碑文彩道麗時輩稱之後唐中為

校書郎集賢校理晉天福中拜右拾遺翰林學士更吏部員外

弘簡錄

卷二百十一

十一

遼史卷五

禮部郎中知制誥遷中書舍人太宗入汴與徐台符俱降值駕崩世宗在軍國事恟恟未定澣與高勲等十餘人羈留南京久之從歸上京授翰林學士穆宗卽位累遷工部侍郎時兄澣在宋亦爲翰林學士密遣人名澣託爲求醫欲遁歸汴至涿爲巡徼所得送之南京下吏自經不死防之愈嚴械赴上京自投潢河中流爲鐵索牽掣又不死帝怒欲殺之勲爲救止曰澣本非負恩以母年八十急於省覲其人富於文學方今少有倫比若留掌詞命可以增光國體帝怒稍解仍令禁錮于奉國寺凡六年艱苦萬狀會上欲建太宗功德碑勲奏非澣無可秉筆者詔從之文成以進上悅釋囚尋加禮部尚書宣政殿學士卒澣收遺文編爲丁年集

蕭韓家奴字休堅涅刺部人中書令安搏孫少好學弱冠入南

山讀書博覽經史通遠漢文字統和十四年始仕二十八年爲
右通進典南京栗園帝從容問卿居外有異聞乎因託諷諭曰
臣惟知妙栗小者熟則大者必生大者熟則小者必焦使大小
均熟始爲盡美不知其他帝大笑才之重熙初擢同知三司使
事四年遷天成軍節度使徙彰愍宮使命爲詩友時詔問天下
言治道之要對策畧曰臣伏見比年以來高麗未賓阻卜猶強
戰守之備誠不容已乃者選富民防邊自備糧糗道路修阻動
淹歲月比至屯所費已過半隻牛單鞍鮮有還者其無丁之家
倍直備餽人憚其勞半途亡竄加以水旱貧不能支求假于人
至有鬻子割田不能償者或逋役不歸在軍物故則復補以少
壯其鴨綠江之東戍役大率如此又阻卜諸部自來有之曩時
北至臚胸河南至邊境人多散居無所統壹惟往來抄掠及太

祖西征至於流沙阻卜望風悉降西域諸國皆願入貢因遷種
落內置三部以益吾國不營城邑不置戍兵阻卜累世不敢爲
寇純和間皇太妃出師西域拓土旣遠降附亦衆及城可致開
境數千里西北之民徭役日增生業日殫警急旣不能救叛服
亦復不恒空有廣地之名而無得地之實國家大敵惟在南方
今雖連和難保他日若南方有變屯戍遼邈卒難赴援我進則
敵退我還則敵來不可不慮也方今太平已久正可恩結諸部
釋罪而歸地內徙戍兵以增堡障外明約束以正疆界每部各
置部長歲修職貢叛則討之服則撫之諸部旣安必不生釁果
如是則臣雖不能保其久而無變知其必不深入侵掠也或云
棄地則損威殊不知殫費竭財以貪無用之地使彼小部抗衡
大國萬一有敗損威豈淺或又云沃壤不可遽棄臣以爲土雖

沃民不能久居一旦敵來不免內徙豈可指爲吾土而惜之夫
帑庫雖隨部而有此特周急部民一偏之悲不能均濟天下如
欲均濟天下當知民困之由而窒其隙節盤遊簡驛傳薄賦歛
戒奢侈期以數年則困者可蘇貧者可富矣蓋民者國之本兵
者國之衛昔補役始行居者行者類皆富實故累世從戎易爲
吏代近歲邊虞數起民多匱乏率無上戶以中戶當之曠日彌
年其窮益甚所以取代爲艱也臣又聞自昔有國家者不能無
盜今欲芟除本根願陛下輕徭省役使民務農衣食既足安習
教化而重犯法則民趨禮義刑罰罕用矣今宜徙可敦城於近
地與西南副都部署烏古敵烈隗烏古等部聲援相接罷黑嶺
二軍并開保州皆隸東京益東北戍軍及南京總管兵增修壁
壘候尉相望繕完樓櫓浚治城隍以爲邊防此方今急務也策

進擢翰林都林牙兼修國史詔曰文章之職國之光華非才不
川以卿文學爲時大儒是用授以翰林之職朕之起居悉以實
錄口是日見親信每入侍賜坐遇勝日飲酒賦詩以相酬酢君
臣統相得已益知無不言雖諧謔不忘規諷十三年春上疏請
依唐典追崇四代祖爲皇帝帝納之始行追冊玄德二祖之禮
每見帝獵未嘗不諫會獵秋山熊虎傷死數十人韓家奴書于
冊帝見命去之既出復書他日見帝對日史筆當如是帝又問
我國家創業以來孰爲賢主以穆宗對帝怪之廼曰穆宗雖暴
虐省徭輕賦人樂其生終世無罪被戮未有過今日之秋山者
臣故以穆宗爲賢帝默然詔與耶律庶成及谷欲錄遙輦可汗
至重熙以來事迹集爲二十卷進之十五年復詔韓家奴古之
治天下者明禮義正法度我朝之興世有明德雖中外嚮化然

禮書未作無以示後卿可與庶成酌古準今制爲禮典事或有
疑與北南院同議於是博考經籍自天子達於庶人情文制度
可行於世不謬於古者誤成三卷進入奉詔譯諸書欲帝知古
今成敗以通歷貞觀政要五代史進帝憫其老不任朝謁拜歸
德軍節度使以善治聞遣使問勞復上表謝召修國史卒年七
十二有六義集十二卷行于世

耶律庶成字喜隱小字陳六季父房之後檢校太師吳九之子
幼好學書過目不忘善遼漢文字於詩尤工重熙初補牌印郎
君累遷樞密直學士與蕭韓家奴各進四時逸樂賦帝嗟賞初
契丹醫人鮮知切脈審藥命譯方脈書行之自是人皆通習雖
諸部族亦知醫事時入禁中叅決疑議撰成實錄及禮書多獲
賞賚又與耶律德修定法令詔曰法令者爲政所先人命所繫

不可不慎方今法令輕重不倫卿其審度輕重從宜修定庶成
參酌古今刊正訛謬成書以進帝覽而善之方擬進用爲妻胡
篤所誣以罪奪官絀爲庶耶律使吐蕃凡十二年清寧間始歸
帝知其誣詔復本族仍遷所奪官卒有詩文行于世 弟庶箴
字陳甫善屬文重熙中爲本族將軍咸雍元年同知東京留守
事俄徙烏衍突厥部節度使九年知薊州事明年遷都林牙上
表乞廣本國姓氏曰我朝創業以來法令修明惟姓氏止分爲
二耶律與蕭而已始太祖制契丹文字取諸部鄉里之名續作
一篇著于卷末臣請推廣之使諸部各立姓氏庶男女婚姻有
合典禮帝以舊制不可遽釐不聽太康二年與耶律孟簡表賀
耶律乙辛出守中京頃之復召恐懼其害內不自安私見涕泣
謂前抗表非其素願聞者鄙之八年致仕卒 子蒲魯字乃展

幼聰悟好學七歲能誦契丹大字習漢文未十年博通經籍重熙中登進士主文者以國制無契丹試進士之條被罰黜之仍爲牌印郎君應試賦詩立成以進帝嘉賞顧左右曰文才如此必不能武事蒲魯奏曰臣自蒙義方兼習騎射在流輩中亦可周旋帝未之信會從獵三矢中三兔帝奇之轉進父嘗寄戒論詩蒲魯答以賦衆稱其典雅寵遇漸隆清寧初卒

耶律谷欲字休堅六院部人節度使阿古只之子性冲澹有禮法工文章統和中爲本部太保開泰中稍遷場坊城節度使鞫朔州疑獄科官授啓聖軍節度使太平中復爲本部太保謝病歸俄擢南院大王歎風俗日頹請老不許興宗命爲詩友數問治要多所匡建奉詔編遼國上世事跡及諸帝實錄授漢人行宮副部署大安七年知乙室大王事卒年九十

耶律韓留字速寧仲父隋國王之後有明識篤行義舉止嚴重
工爲詩統和間召攝御院通進開泰三年稍遷烏古敵烈部都
監俄知詳穩事敵烈部叛以爲東京統軍使將官分軍從耶律
世良討平之加千牛衛大將軍進右夸夷畢重熙元年遷上京
留守同知改奚六部禿里太尉性不苟合爲樞密蕭解里所忌
上欲召用言其目病不能視遂寢四年召爲北面林牙帝諭聞
前目疾故待之至今對日果然纔數月不至于昏第臣驚拙不
能事權貴是以不獲早覩天顏非陛下聖察則愚臣豈有今日
耶詔進述懷詩上嘉歎拜爲惕隱至締居迭烈部節度使有惠
政當代請留上命進其治狀方將大用卒

耶律資忠字沃衍小字札刺系出仲父房與兄國留弟昭俱博
學工辭章兼善屬文聖宗重之國留妻弟之妻阿古與奴過將

奔女直追而殺之阿古自經其母有寵於太后事聞后怒將殺國留帝度不能救遣人訣別問以後事國留謝曰陛下憫臣無辜恩漏九泉死且不朽在獄著冤賦寤寐爲世所稱人故多冤之資忠年四十未仕聖宗知其賢召補宿衛數問以古今治亂條對無隱開泰中授御史中丞眷遇日隆權貴多短之出爲上京副留守初高麗內屬取女直六部地以賜至是貢獻不時詔資忠往問高麗無歸地意四年再使遂留弗遣在高麗六年每懷君親輒有著述號西亭集帝與羣臣宴時一記憶曰資忠亦有此樂乎九年高麗上表謝罪始送資忠還帝郊迎同載以歸命大臣宴勞留禁中數日嘉其忠節不屈欲授樞密使辭以無才不敢奉詔乃除爲林牙知惕隱事妻以外戚之女復不附寵臣蕭合卓少師蕭把哥奪官數歲擢知來遠城事歷保安昭

德二軍節度使聖宗崩表許會葬伏哭大慟曰臣幸遇聖明橫
被構譖不獲盡犬馬報氣絕復蘇興宗命醫治疾又坐言國舅
侍中無憂國心陛下不當復用唐景福舊號用事者益惡之遣
歸鎮卒 昭字述寧爲著帳郎君坐兄國留事流西北部會蕭
提凜愛之奏免其役復橫帳禮致門下欲召用以疾辭提凜問
以今軍旅甫罷三邊晏然惟阻卜伺隙而動討之則路遠難至
縱之則邊民被掠欲增戍兵餽餉不給今雖苟一時之安不能
終保無變昭以書答曰竊聞治得其要則警敵爲一家失其術
則部曲爲行路今西北諸部每當農時用一夫偵候一夫治公
田二夫給糶官之役大率四丁無一室處芻牧之事仰給妻孥
一遭寇掠貧窮立至春夏賑恤吏多雜以糶糶重以培克不過
數月又復告困且畜牧者富國之本有司防其隱沒聚之一所

不使各就。草便地。兼以逃亡戍卒隨時補調。不習風土。故日瘠月損。馴至耗竭。爲今之計。莫若振窮薄賦。給以牛種。使遂耕獲。置游兵以防盜掠。頒俘虜以助伏臘。散畜牧以就便地。期以數年富彊可望。然後練簡精兵以備行伍。何守之不回。動之不克哉。然必去其難制者。則餘種自畏。若捨大而謀小。避強而攻弱。非徒虛費財力。亦不足以威服其心。此二者利害之機。不可不察。昭聞古之名將。安邊立功。在德不在衆。故謝玄以八千破苻堅百萬。休哥以五隊敗曹彬十萬。良由恩結士心。得其死力也。閭下所非常之遇。專方面之寄。宜遠師古人。以就勲業。上觀乾象。下盡人謀。察地形之險易。料敵勢之虛實。慮無遺策。利施後世矣。捷察然之開泰中。昭獵于拔里塔山。爲羯羊所觸。卒蕭札刺字虛輦排押弟素性介特。不事生業。喜讀書。保寧間。以

戚屬進累遷寧遠軍節度使秩滿里居淡泊自適統和末召爲南京馬步軍都指揮使以疾求退不聽遷夸离畢又以疾辭許之徙居頡山杜門不出上嘉其志不復徵聘親友或過之談論終日不及世務凡宴游相邀亦不拒一歲山居過半與世俗不偶耶律資忠重之目曰頡山老人後卒

耶律陳家奴字綿辛懿祖弟務刺八世孫通書史善詩重熙中補牌印郎君耶律仁先薦其健捷比海東青授御蓋郎君歷鷹坊尚廐四方館三副使改徙魯古皮室詳穩會太后生辰進詩獻馴鹿多獲嘉獎賜珠二琲雜絲二百段清寧初累遷右夸离畢時燕國王年九歲射鹿得中帝悅令應制進詩喜之解衣以賜值西北諸部寇邊以爲烏古部節度使行軍都監往討賜甲一屬馬二疋擒其酋送于朝元帥耶律愛奴輕敵偵候者見馬

蹤報寇至以爲野馬不信賊果至愛奴戰歿有司詰案詔釋之
後諸部復來侵率兵三往皆克邊境以寧壽隆六年陞南院大
王俄告老不從道宗崩爲山陵使乾統二年致仕年八十卒

耶律良字習撫小字蘇著帳郎君之後生於乾州讀書醫巫間
山學旣博將入南山肄業友人止之曰爾無僕御驅馳千里縱
聞見過人年亦垂暮今若就仕可有餘地良不聽曰窮通命也
非爾所知留數年而歸重熙中補寢殿小底尋爲燕趙國王近
侍以家貧詔乘廐馬遷修起居注會佩秋山進秋游賦上嘉之
清寧中幸鴨子河作捕魚賦上覽龍遇漸隆遷知制誥兼知部
署司事奏請編御製詩文號清寧集上亦曰良詩爲慶會集親
製序文頃之爲敦睦宮使兼權知皇太后宮諸局事重元將亂
恐帝溺於親愛不敢遽奏密言於皇太后託疾召帝白其事帝
弘簡錄

謂良汝欲問我骨肉耶良奏曰臣若妄言甘伏斧鑕陛下不早備恐墮賊計今如召涅魯古卽來與否可卜其事帝從其言使者及門涅魯古意欲害之羈於帳下使者以佩刀斷帟而出馳至行宮狀聞帝始信亂平以功遷漢人行宮都部署咸雍初爲南院樞密同知轉惕隱出知中京留守事未幾卒帝嗟悼遣重臣賻祭給葬具追封遼西郡王諡曰忠成

王鼎字虛中涿州人幼好學居太寧山數年博通經史長於詩賦遇上已間出水濱被襖時馬唐俊有名燕薊間見其樸野出所作索賦鼎援筆立成唐俊驚其敏妙因與定交清寧五年擢進士調易州觀察判官改漆水縣令累遷翰林學士當代典章多出其手上書言治道十事帝以爲達政體事多咨訪壽隆初陞觀書殿學士素性正直不阿遇人有過面詆之以是多見疎

忌俄坐怨望下吏杖黥奪官流鎮州居數歲赦獨不免會守臣
名鼎爲賀表因以詩贈使者有誰知天雨露優不到孤寒之句
上聞而憐之召復其職乾統六年卒

劉輝好學善屬文疏間有遠畧太康五年登第大安末爲太子
洗馬上書言西邊諸番爲患上卒遠戍中國之民疲于飛輓非
長久之策爲今之務莫若城于監濠實以漢戶使耕田聚糧以
爲西北之費言雖不行識者趨之壽隆二年復上書宋歐陽修
編五代史附述我朝事妄加貶訾宋人於我朝通和好盡兄弟
之禮今反令臣下妄意作史恬不經意臣請以趙氏初起事蹟
詳附國史上嘉其言遷禮部郎中詔以賢良對策柳言多中時
病擢史館修撰卒

耶律孟簡字復易屋質五世孫節度使劉家奴之子性穎悟六

康父晨出佩俸賦曉天星月詩應聲而成父大奇之既長善屬
文耶律乙辛忌之謫巡磁窯關雖被斥逐愠怒不形遇林泉勝
地終日忘歸復流保州俄聞皇太子被害不勝哀痛以詩傷之
又作放懷詩二十首自序云禽獸有哀樂之聲螻蟻有動靜之
形在物猶然況於人乎然賢達哀樂不在窮通禍福之間易曰
樂天知命故不憂是以顏淵簞瓢自得此知命而樂者也予雖
流放以道自安又何疑耶太康中始得歸鄉館闕上表本朝之
興幾二百年未有國史以垂後世乃編耶律曷魯屋質休哥三
人行事以進上命置局編修語同修者曰史筆天下之大信其
言當否百世從之苟無明識好惡徇情則禍不測故左氏司馬
遷班固范曄俱罹殃禍可不慎歟乾統中遷六院部太保處事
不拘文法時多笑其迂孟簡聞之曰上古之時無簿書法令而

天下治益簿書法令適足以滋姦作非聖人致治之本尋改高州觀察使修學校招生徒遷昭德軍節度使以中京機詔與學士劉嗣昌減價糶粟事未畢卒

耶律官奴字奚隱林牙幹魯之孫沉厚多學詳於本朝世系嗜酒好佚初徵爲宿直將軍重熙九年以疾去官上以官奴屬尊欲成其志許自擇一路節度使辭曰臣愚鈍不任官使上強任歸義軍節度使輒請致政與歐里部人蕭哇友善哇亦有志操語以仕不能致主澤民成大功烈何屑屑爲也不若與吾優游林下以枕簟自隨蕭詠自樂雖不官無慊焉官奴然之時稱二逸乾統間官奴卒

蕭蒲离不字授懶惠四世孫父母蚤喪鞠于祖父兀古匿天性孝悌年十三祖卒自以早失怙恃哀毀踰禮族里嘉嘆嘗語人

日我於親不得終養。今誰爲嗣者。苟不自勉。何以報鞠育恩。自是力學於文藝。無不精。乾統間。召之。不應。常與親識游獵山水。奉養無長物。僕隸欣欣如也。或曰。公胡不念以嗣先世功名。答曰。自度不足以繼先業。年踰強仕。安能益主庇民。累徵皆以疾辭。晚年謝絕人事。卜居秣古山。屏遠葷茹。潛心佛書。延有道者談論。彌日。人問所得何如。但曰。有深樂。惟覺六鑿不相攘。餘無知者。一日。易服無疾而逝。

直魯古吐谷渾人。太祖時。兵至其國。見一騎士棄藥。開視之。得一嬰兒。因問所俘者。知其世善醫。雖馬上視疾。亦知標本。意由是進於太祖。淳欽皇后收養之。長。亦能醫。專事鍼灸。太宗時。以太醫給侍。嘗撰脈經諸鍼灸書。行于世。卒年九十。

王白。冀州人。明天文。善卜筮。晉司天少監。與魏璘齊名。太宗入

汴得此二人應曆十九年王子只沒以事下獄其母求卜自言
無過憂此人當王未能發也景宗卽位釋其罪封寧王竟如其
言凡決禍福多此類寧保中歷彰武興國二軍節度使撰百中
歌行于世 璘天祿元年上命馳馬較遲疾以爲勝負問白及
璘孰勝白奏赤者勝璘曰臣所見驄馬常勝二人爭議不決上
問其故白曰今日火王故知赤者勝璘曰不然火雖王而上有
煙以煙察之青者必勝已而竟如璘言上嘉之察割謀逆私卜
于璘謂曰大王之數得一日宜慎之果一日而敗應曆中周兵
犯燕上以勝敗問璘對曰周姓柴燕分火柴入火必焚其言果
驗又嘗爲菴撒葛卜僭立事上聞之免死流烏古部一日節度
使召璘適有獻雙鯉者戲曰君卜此魚何時得食璘良久答曰
公與僕不出今日有不測禍矣吸食魚急命烹之未及食寇至

俱遇害

耶律敵魯字撒不脫其先撒葛只本五院之族太祖時分隸太
和官精於醫術人有疾察其形色卽知病原雖不診候有十全
功統和初丞相韓德讓貴寵敵魯希旨言德讓宜賜國姓籍橫
帳故德讓薦之官至節度使耶律糾軫妻有沈病易數醫不能
治令視之曰心有畜熱非藥石可及當以意療因其聾聵之使
狂用泄其毒則可治於是令大擊鉦鼓於前翌日果狂叫呼怒
罵力極而止數日遂愈其治法多此類人莫能測年八十卒
孫世預太醫選囚之入官者衆 曾孫胡篤字合木爲人便佞
與物無忤長于騎射見天祚好游畋每言從禽之樂以逢其意
悅而從之清寧初補近侍大安元年爲彰愍宮太師壽隆二年
轉永興宮天慶初至殿前副點檢自此國政隳廢從天祚東征

爲先鋒都統凡隊伍皆以圓場名號之進至刺園水與金兵戰敗大軍亦却及討章奴籍私奴爲軍遷知北院樞密使事卒

耶律裏復字海降六院夸葛董蒲古只之後爲人風神爽秀工書藝尤善寫真重熙間累遷殿前點檢同知夏人執駙馬蕭胡觀奉詔往索三返以歸轉承典宮使右祇候郎君班詳穩將納秦晉長公主女孫其母與公主婢有隙謂能去婢乃許爾婚裏復以計殺之婚成事覺有司以大辟論賴爲聖宗真容以獻得減死長流邊戍朝廷欲得南朝御容復召拜南院宣徽同知賀正寫宋主容以歸清寧間復使宋主賜宴瓶花隔面未得其真陛辭僅一視及境畫以示餞者駭其神妙不差毫末後坐重元亂不卽勤王賊平入賀道宗責讓之咸雍中加太子太師卒

耶律乙不哥字習撚六院郎君裏古直之後幼好學尤長於卜

筮不樂仕進者爲人擇葬地曰後三日有牛乘人逐牛過者卽啓土至期果一人負乳犢引犝牛而過因悟所謂牛乘人者此也遂啓上旣葬吉凶盡如其言又爲失鷹者占曰鷹在汝家東北三十里溧西榆上往求之果得當時占候無不驗

弘簡錄卷二百十二

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遠節行吏治附宦者

蕭巖壽耶律徹刺蕭速撒耶律捷蕭酬幹附乙薛蕭普達

耶律阿息保和蕭捷不也蕭忽古耶律章奴 蕭特烈 耶律朮者妻蕭氏

耶律常哥 蕭意辛 蕭接蘭 耶律速撒 耶律錦軫

耶律僕里篤 耶律韓八 寶景庸 大公鼎 蕭文

耶律那也季父趙三耶律鐸魯幹 王繼恩趙安羅衣輕

蕭巖壽乙室部人性剛直尚氣重熙末始仕道宗卽位皇太后

屢稱其賢由是進用遇上出獵令典較獲未嘗高下于心帝益

重之歷文班太保樞密同知咸雍四年從耶律仁先攻破阻卜

人蕭 卷二百十二 一 遠節行六

有詔留屯亡歸者衆坐鑄兩官十年討敵烈都有功卽授其部
節度使太康元年轉南院宣徽同知遷北面林牙密奏乙辛以
皇太子知國政心懷疑懼與宰相張孝傑相朋比恐有異圖上
悟出乙辛旣而悔之反疑嚴嵩出爲順義軍節度使乙辛復入
流嚴嵩于烏隄路終身拘作身雖寘逐恒以社稷爲憂三年又
誣以與謀廢立事執還殺之年四十九乾統間贈同中書門下
平章事與耶律撒剌撻不也蕭速撒蕭撻不也俱繪像宜福殿
爲人廉直而折廷諍多與權倖忤故及于難耶律撒剌字董
隱南院大王磨魯古之孫性忠直沉厚清寧初累遷西南面招
討使以治稱咸雍中爲南院宣徽使九年改北院大王未幾爲
契丹行宮都部署當耶律乙辛復召詔羣臣議無敢正言撒剌
獨奏始以蕭嚴嵩之言可信乙辛罪大不可任故陛下出之今

復召恐天下生疑進諫者三不納左右爲之震悚乙辛復入見
撒刺讓曰與君無憾何獨議異答曰此社稷大計何憾之有於
是誣撒刺與蕭速撒同謀廢立詔按無迹出爲始平軍節度使
復令蕭訛都幹以前事誣告上怒不復加罪竟遣使與速撒同
遇害乾統間追封漆水郡王仍追贈三子官爵蕭速撒字禿
魯董突呂不部人性沉毅重熙間累遷右護衛太保從耶律義
先討靺鞨得里清寧中歷北面林牙彰國軍節度使入爲北院
樞密副使咸雍十年經畧西南邊撤宋堡障戍以皮室軍上嘉
之太康二年知北院樞密使乙辛權寵方盛附麗者多至通顯
速撒未嘗造門乙辛銜之誣構以首謀廢立出爲上京留守死
之日時方盛暑尸諸原野容色不變烏鵲不敢近乾統間追封
蘭陵郡王耶律撻不也字撒班系出季父房父高家仕至林

牙重熙間破夏人千金肅軍有功優加賞賚捷不也清寧中補
庫印郎君累遷永興宮使以平重元亂功知點檢司事賜平亂
功臣爲懷德軍節度使咸雍五年遷遙輦剋大康三年授北院
宣徽使知乙辛奸謀將害太子密結蕭忽古欲殺乙辛蕭特里
得蕭十三等反被其黨誣構殺之乾統間追封漆水郡王蕭
捷不也字幹里端國舅郡王高九之孫性剛直咸雍中補祇候
郎君大康元年爲彰愍宮使尚趙國公主拜駙馬都尉二年十
二月己丑由左夸离畢爲南院都統軍使三年改漢人行宮都
部署同知與耶律捷不也善乙辛嫉之告以同謀繫立不勝榜
掠誣伏上引問昏瞶不能自陳遂見殺同追封蘭陵郡王蕭
忽古字阿斯憐敵烈族子性忠直趨捷有力甫冠補禁軍咸雍
初從招討使耶律趙三討青部之違命者及請降來介有能躍

馳鋒而上者以倏捷相詫趙三問左右誰能此忽古被重鎧而
出手不及鋒一躍而上使者大駭於是妻之以女帝聞召爲護
衛惡乙辛以校校得幸肆行兇暴嘗伏于所經橋下欲伺其過
殺之會暴雨壞橋不果後又欲殺于獵所爲親友所阻乙辛知
而械繫之考掠不服流于邊及太子廢召至殺之乾統初追贈
龍虎衛上將軍

蕭酬幹字訛里本與乙薛俱國舅少父房之後祖阿剌終採訪
使父別里剌卽道宗后父酬幹親雄偉性和易年十四尚越國
公主拜駙馬都尉爲祿候郎君班詳穩轉殿前副點檢太康五
年年十八封蘭陵郡王七年遷漠人行宮都部署兼知樞密院
事八年帝欲立皇孫爲嗣恐無以解天下疑乃出酬幹爲國舅
詳穩降皇后爲惠妃遷于乾州其母燕國夫人入朝擅取驛馬

至是發覺奪其封號併發其妹魯姐爲巫蠱伏誅名酬幹與公主離婚籍入興聖宮流烏古敵烈部天慶中以妹復尊爲皇太妃名酬幹爲南女直詳穩遷征東副統軍時廣州渤海作亂與駙馬蕭韓家奴襲其不備平之復敗敵將侯樂于川州是歲東京叛遇敵來擊師潰獨酬幹率麾下數人力戰歿于陣追贈龍虎衛上將軍蕭乙薛字特免性謹愿壽隆間累任劇官天慶初知國舅詳穩事遷殿前副點檢金兵起爲行軍副都統以失利罷出爲武定軍節度使遷西京留守七年討劇賊董龐兒戰易水西大破之以功爲北府宰相加左僕射兼東北路都統十年金陷上京詔兼上京留守東北路統軍使爲政寬猛得宜振民窮困衆咸愛之保大二年軍潰左遷西南面招討使以部民流散不赴天祚播遷給侍從不闕拜殿前都點檢知北院樞密

使事凡金兵所過諸營敗卒復聚上京再遣乙薛留守以安撫之明年盧彥倫以城叛乙薛被執數月以居官無過得釋後爲耶律大石所殺

蕭普達字彈隱統和初爲南院承旨開禧六年出爲烏古部節度使七年討平敵烈部叛徙之大部爲烏古敵烈部都監遣敵烈騎卒取北阻卜名馬以獻賜詔褒獎太平十年爲乙室部大王重熙初復改烏古敵烈部都詳穩討諸蕃有功其人深練邊事能以悅使人有所俘獲悉散麾下由是大得衆心歷西南面招討使以討党項叛入西夏中流矢歿于陣帝聞惜之厚賻銀絹贈同中書門下平章事

耶律阿息保字特里典五院部人祖胡劣徙居西北部世爲招討司吏阿息保自幼慷慨有大志年十六以才幹補內史天慶

初轉樞密院侍御知國將亡前後進諫甚切金人起兵城境上遣往詰問詔曰若歸阿疎敢不聽命還具以聞又陷寧江州邊兵屢敗遣與耶律章奴等齎書而東冀以脅降因請獨往日臣前使依詔開諭畧無所屈若所請不遂後無相見今臣適異國必無生還朝野皆壯之旣至果見執久乃遁歸還都巡捕使六年從阿疎討章奴加領軍衛大將軍尋爲奚六部禿里太尉後阿疎反以偏師進擊臨陣墜馬被擒因阿疎有舊得免屢勸阿疎好殺全活者衆會阿疎敗復還囚之中京數歲保大二年金兵入京始出獄尋爲敵烈皮室詳穩魏王淳僭號招之封其書以獻因諫上束兵甚銳未可輕敵及石輦鐸之敗天祚奔竄名阿息保不時至疑有肅心并怒爲淳所招殺之人以死非其罪多痛惜者天祚初奔陰山節度使和尚與林牙馬哥男慎思

俱被擒金都統杲使阿隣護送得里底和尚雅里斯等入金得里底道亡金祖誅阿鄰和尚第道溫爲興中尹金祖使設都本以兵千人與和尚往招之和尙在道屢欲亡去不得拘至興中城下反以矢繫書射城中教道溫母降事泄設都本責以汝何反覆如此對曰以忠報國雖死不恨何謂反覆乃殺之旣而金軍遇道都統孛迭等道溫在其中相與隔水而語金帥宗望承制招之孛迭唯諾無降意宗望謂道溫曰汝兄和尚因戰而獲未嘗加罪後以叛誅能無痛悼道溫曰吾兄辱於見獲榮於死國宗望頷馬和尚曰能爲我取此乎對曰能遂以所部渡水擊敗其衆直趨道溫射中其臂復而殺之

耶律章奴字特末衍季父房之後父查刺養高不仕章奴明敏善談論大安中補牌印郎君乾統元年累遷右中丞兼領牌印

宿直事天慶四年授東北路統軍副使五年改咸州路兵馬同知天祚親征女直以爲都監大軍渡鴨子河章奴與耶律木者謀立魏國王淳會淳猶豫未決章奴知事不成率麾下誘草寇數百攻掠曉懷等州取府庫財物至柵州率僚屬告太祖廟我大遼基業由太祖百戰而成邇來天祚耽樂是從不恤萬機強敵肆侮師徒敗績天下土崩加以盜賊蜂起邦國危于累卵臣等添預族屬世蒙恩渥竊見興宗皇帝孫魏國王淳道德隆厚能理世安民欲立以主社稷上安九廟之靈下救萬民之命此舉實出至誠會淳適好草甸大事未遂冀累聖垂祐西至慶州復祀諸廟仍述所以舉兵之意移檄州縣諸陵官僚士卒稍稍歸心時饒州渤海及侯瑛等相繼來應衆至數萬趨廣平淀犯行宮其黨耶律女古等暴橫不法劫掠婦女財畜章奴不能制

內懷悔恨攻上京又不克自鴨子河亡去順國女直阿鴿產率兵追敗之殺其將耶律彌里直擒貴族二百餘人並斬首以殉其妻子配役繡院及散諸近侍爲奴婢餘得脫者皆遁去章奴詐爲使者欲奔女直爲邏者所獲縛送行在腰斬徇于五京

肅特烈字訛都梳達朮哇可汗官分人乾統中入宿衛出爲順義軍節度使天慶四年轉咸州路兵馬同知五年以兵敗奪節度使保大元年遷隗古部節度使及天祚在山西集羣收兵特烈爲副統軍聞金兵將至諭士卒以君臣之義死戰于石輦鐸金兵不戰特烈伺間欲攻之天祚喜甚召嬪御諸子登高同觀將詫之金兵望日月旗知天祚在其下以勁兵直趨奮擊無敢當者天祚遁走特烈所至招集散亡尋爲中軍都統復敗于梯己山天祚決意渡河奔夏從臣切諫不聽人情惶懼不知所爲

特烈陰謂耶律兀直曰事勢如此億兆離心正我輩效節之秋不早爲計柰社稷何遂共劫梁王雅里奔西北諸部立爲帝特烈爲樞密使雅里卒欲擇可立者會耶律兀直言興宗四世孫敵烈木才德純備衆皆曰可遂僭立焉特烈任職如故未三旬與敵烈木俱爲亂兵所殺

耶律术者字能典蒲古只之後爲人魁偉雄辨乾統初補祇候郎君因柴册加觀察使天慶五年受詔監都統耶律幹里朶戰及敗左遷銀州刺史徙咸州糾將聞章奴亡去卽引麾下往會道爲游兵所執送行在所上問予何負而反對曰臣誠無憾但以天下大亂已非遠有小人滿朝賢臣竄斥誠不忍見天皇帝艱難之業一旦土崩痛入骨髓而有此舉初非爲身計也後數日復問术者厲聲數上過惡陳社稷危亡之本遂殺之妻蕭

氏小字訛里本國舅李董之女性端慤有容色自幼與他女異年十八于歸謹裕貞婉娣姒推尊之夫死哀毀逾禮已葬詔所親曰夫婦之道如陰陽表裏無陽則陰不能立無表則裏無所附且生必有死理之自然木者早歲登朝罹此酷毒復何依恃儻死者可見則從不可見則當與俱侍婢慰勉竟無回意自刃而卒

耶律氏太師適魯之妹小字常哥幼爽秀有成人風及長操行修潔自誓不嫁能詩文不苟作讀通曆見前人得失歷能品藻咸雅間作文以述時政其畧曰君以民爲體民以君爲心人主當任忠賢人臣當去比周則政化平陰陽順欲懷遠則崇恩尚德欲強國則輕徭薄賦四端五典爲治教之本六府三事實生民之命淫侈可以爲戒勤儉可以爲師錯枉則人不敢詐顯忠

則人不敢欺勿泥空門崇飾土木勿事邊鄙妄廢金帛滿當思
溢安必慮危刑罰當罪則民勸善不寶遠物則賢者至建萬世
磐石之業制諸部強橫之心欲率下則先正身欲治遠則始朝
廷上稱善耶律乙辛因愛其才屢求詩遺以回文知其諷已銜
之大康三年皇太子坐事謫兄適魯鎮州常哥布衣蔬食與之
俱往人問何爲自苦如此答曰皇儲無罪遭廢我輩豈美食安
寢之時及太子被害不勝哀痛後卒于家年七十

蕭氏小字意辛父陶蘇幹母胡獨公主意辛美姿容知讀書年
二十始嫁耶律奴事親睦族以孝謹聞嘗與婦嬖會爭言厭魅
以取夫寵意辛獨曰不若禮法衆欲聞其說答曰修己以潔奉
長以敬事夫以柔撫下以寬毋使君子見其輕易則自然取重
於夫矣問者大慚會夫與乙辛有隙被誣奪爵流烏古部上欲

使意辛絕婚辭曰陛下妾葭莩之親使免流竄實天地之恩然夫婦之義生死以之妾自笄年從奴一旦臨難頓爾乖離背綱常之道於禽獸何異幸陛下哀憐與奴俱行妾卽死無恨帝感其言從之久在貶所親執役事雖勞無難色事夫禮敬有加于舊壽隆中上書乞子孫爲著帳郎君帝嘉其節舉家召還子國隱乾統間始仕保大中意辛在臨漢謂諸子曰吾度盧彥倫必叛汝輩速避我當死之賊至遇害

蕭氏小字梭蘭惠四世女孫聰慧謹愿年二十始嫁耶律中事夫敬順親戚咸譽其德中嘗謂曰汝可粗知書以前貞淑爲鑑遂發心誦習多涉古今天慶中盜起輒潛置刃誓不被汙會賊遁而免久之帝召中爲五院都監語其妻曰吾本無宦情今不能免我當以死報國汝能從我乎對曰謹奉教及金兵徇地嶺

西盡徙其民中守節死按蘭躍馬突出至中死所自殺

耶律速撒字阿敏性忠直簡毅練武事應所初爲侍從累遷突
呂不部節度使歷朔濟祥順聖五州都總管俄爲敦睦宮太師
保寧三年改九部都詳穩四年伐党項屢立戰功手詔勞之聖
宗卽位命討阻卜統和元年正月辛巳獻俘詔褒美三月辛丑
又奏党項捷遣使慰勞十月癸巳奏敵烈部及叛番來降悉復
故地二年十一月又討阻卜殺其部長撻刺于三年又奏朮不
姑諸部至近琯夸崑董易古姑請行俘掠不允時皇太后稱制
西邊甫定賴以專務安集諸蕃利害輒具以聞太后益信任之
速撒凡臨戎陳與士卒同甘苦所獲均賜將校賞順討逆威信
大振在邊二十年卒

耶律鐸軫字敵董積慶宮人仕統和間性疎簡不顧小節人初

短之後侵宋分總羸師以從及戰取緋帛被介冑以自標顯出入敵陣格殺甚衆太后望見而喜召語勦力如此何患不濟厚賞之自是多任以軍事俄授東北詳穩開泰二年進討阻卜克之重熙間歷東路統軍天德軍節度使十七年城西邊命相地及造戰艦百三十艘上置兵下立馬規制堅壯甚稱上旨西征又詔率兵由別道進會于河濱敵兵阻河而陣帝御戰艦絕河擊之大捷而歸親賜卮酒仍問所欲對曰臣幸被聖恩得効駑力萬死不能報國又將何求帝愈重之手書其衣裾曰勤國忠君舉世無雙尋卒于官年七十子低烈歷觀察節度使

耶律僕里篤字燕隱突呂不四世孫開泰間爲本班郎若有捕盜功樞使蕭朴薦之遷率府率太平中同知南院直徽事累遷彰聖軍節度使十六年知興中府以獄空聞十八年伐夏攝西

南面招討使十九年夏人侵金肅軍敗之斬首萬餘級加右武衛上將軍時近邊羣牧數被寇掠遷倒塌嶺都監以治之桴鼓不鳴二十年知金肅軍事俄副宰相趙惟節總領邊城橋道芻粟以稱職聞清寧初歷長寧匡義二軍節度使致仕咸雍間卒子阿固質終倒塌嶺都監

耶律韓八字朝隱古五世孫素倜儻有大志不屑細務喜怒不形大平中襲衣匹馬來游京師寓行宮側適帝微服出獵見而問之汝爲何人因不識漫應曰我北院部人來覓官耳帝召與語知有長才陰識之會北院奏南京疑獄久不決召馳驛審錄至則量情據理人無冤者上嘉之命籍羣牧馬閱其二同事者考尋不已韓八畧不加詰卽先馳奏帝益信任景福元年爲左夸毘畢徙北面林牙眷遇優異守邊重任政務寬仁實府庫振

貧乏以報上知重熙六年改北院大王愈竭忠謹知無不言便益爲多十二年又改南院大王十七年卒年五十五篋無舊衣施無新衣上聞悼惜遣使弔祭給葬具

賈景庸中京人中書令振之子聰敏好學清寧中第進士授秘書省校書郎累遷少府少監咸雍六年授樞密直學士尋知漢人行宮副部署事大安初遷南院樞密副使監修國史轉南府宰相兼知樞密院事賜同德功臣封陳國公有疾表請致仕不從加太子太保授武定軍節度使審決冤滯輕重得宜以獄空聞七年拜中京留守九年薨諡曰肅愍子瑜三司副使

大公鼎渤海人先世籍遼陽率賓縣統和間徙豪右實中京因家于大定會祖忠禮賓使父信興中主簿公鼎幼莊愿長而好學咸雍十年登第調瀋州觀察判官時遼東雨水傷稼樞院大

發瀕河丁壯以完隄防有司承令峻急疏奏罷其事曰邊陲甫寧大興役事非利國便農之道朝廷從之是歲水不爲災瀕河千里人莫不悅改良鄉令省徭役務農桑建孔子廟學部民服化累遷興國軍節度副使時有隸屬坊者以羅畢爲名擾害田里閱歲已久民並不堪爲言于上卽命禁戢後因造朝大臣諭上嘉納之意因疏一郡獲安誠爲大幸願均其賜及於他郡詔可俄徙長春州錢帛都提點車駕如春水貴主例爲假貸公鼎拒之頗聞怨言語不顧曰豈可輟官用徇人情此吾之職不敢廢也俄拜大理卿多所平反天祚卽位歷長寧軍節度使南京副留守改東京戶部使聞渤海人作亂殺留守蕭保先單騎行郡與副留守高清明集奚漢兵千人捕誅首惡陳以禍福餘衆投兵而拜是不欺我敢弗聽命安輯如故尋除中京留守賜號

貞亮功臣乘傳赴官遇盜賊充斥于路卽叩馬乞自新給以符約俾還田業問者接踵而至不旬日境內清肅上聞之加賜保節功臣奏人心反側慮生他變因從其請肆赦以安之累表乞歸不許會奴賊張撒入率無賴嘯聚公衆欲擊勢有不能嘆曰吾欲謝事久矣爲世故所牽不幸至此豈命也夫因憂憤成疾保大元年卒年七十九子昌齡左承制昌嗣洛州刺史昌期鎮寧軍節度使

蕭文宇國華安州防禦使直善之子篤志力學喜愠不形大康初掌秦越國王中丞司事以才幹稱尋知北面帖黃有司奏王邦彥子爭廢數歲不能定命文誥之立決事駕將還宮承詔問曹儀衛雖執事林林指顧如一俄遷奉國軍節度同知歷國舅都監壽隆永知易州兼西南面安撫使高陽土沃民富吏其邑

者每贖于貨文至民苦之悉去舊弊務農桑崇禮教小民感化
遇大旱祈禱輒雨屬縣多蝗議捕除之以爲天災但宜反躬自
責一夕蝗盡去遺者散在草莽爲烏鵲所食人謂虔誠所感復
遭霖雨不止隨禱復霽歲獲大熟時稱外戚賢者高陽民勒石
頌之文後遷唐古部節度使卒

耶律那也字殺斯雅蒲古只之後父幹當爲北剋從伐夏戰歿
季父趙三始爲宿直官累遷北而林牙咸雍四年拜北院大王
改西南面招討使太康中西北諸部擾邊拜爲招討使兼行軍
都統往討平之以功多被賞賚卒 那也敦厚才敏九歲以父
死王事加諸衛小將軍至題里司徒尋召爲宿直將軍太康三
年轉遙輦剋南院留守同知大安二年知右夸離畢事四年改
南院樞密同知九年爲倒塌嶺節度使北阻卜長磨古斯叛與

達里底拔思母並寇創塌嶺遣與招討都監耶律胡呂率精騎二千往討破之壽隆元年復討達里拔思等有功賜詔褒美改烏古敵烈部統軍使邊境以寧部民乞留詔許再任乾統六年拜中京留守終北院大王爲人廉介長于理民每有關訟親數曲直不尚威嚴常曰凡治人本欲分別是非何事迫脅以立已名故所至以惠化稱耶律胡呂字蘇撒欲穩之後左監門衛大將軍楊五之子性謙謹與人無適莫重熙末補寢殿小底以善職屢遷千牛衛大將軍以討平阻卜功那也薦爲漢人行宮副部暑兼知太和宮事致仕加同中書門下平章事卒

耶律鐸魯幹季父房之後爲人廉約重義重熙末給事誥勅院咸雍中累遷南京留守同知被召以部民懇留賜詔褒獎太康初改西南面招討使爲北面林牙遷左丞相居官所至有聲

吏民畏愛大安五年拜南府宰相壽隆初致仕退居鄉里子普古爲烏古部節度使遣人來迎旣至見積委甚富貴以辭親入仕常以裕國安民爲事枉道欺君以苟貨利非吾志也命駕而歸未幾卒普古後爲盜所殺

王繼恩棣州人年十餘睿知皇后南征與趙安仁俱被俘爲宦者自幼聰慧知書長通國語擢內謁者內侍左廂押班聖宗親政遷尚衣庫使爲人性好清談不喜權利所得賜賚市書至萬卷載以自隨誦讀不倦每宋使來聘多克宣賜使累至左承宣監門衛大將軍靈州觀察使內庫都提點卒趙安仁字小喜深州樂壽人統和中爲黃門令秦晉國王府祇候王薨授內侍省押班御院通進時父母兄弟俱在南朝每一念及神魂墮越開泰八年遂與李勝哥謀奔南土爲游兵所擒聖宗以爲恩親

冒死而亡亦孝子川心實可憐憫救之初欽哀與仁德有限密令伺察動靜懼仁德威權實重復謀亡歸仁德欲誅之欽哀復爲營救而免重熙初欽哀攝政欲廢帝立少子重元帝與安仁謀遷太后慶州守陵授安仁左承宣監門衛大將軍克契丹漢人渤海內侍都知兼都提點會上復思太后親馭奉迎見日責曰汝負萬死我嘗營救不望汝報何爲離間我母子耶安仁無以答遂死

伶官羅衣輕滑稽通變一時諧謔多所規諷時夏國元昊發遣人輒剽其鼻有奔北者惟恐追及及與宗敗單騎突出幾不得脫羅衣輕止之曰且觀鼻在否上怒以羆索繫帳後將殺之太子笑曰打諢底不是黃幘綽應聲曰行兵底亦不是唐太宗上笑遂釋之上嘗與太弟重元雙陸賭以居民城邑帝屢不競前

後已償數城。朝臣無敢言者。一日復博羅衣。輕指其肩曰。雙陸休癡。和你都輸去也。帝始悟。不復戲。